

Adamo & Eva:
Eva candidata politica
di
Santo Capizzi

Questa storia è semplicemente frutto della fantasia, pertanto ogni riferimento a persone, fatti e luoghi è del tutto casuale.

Santo Capizzi
347 80 60 577
santocapizzi1@alice.it

ADAMO: *(entra disperato parlando al pubblico)* e chi è 'u me distinu di cummattiri cu 'na pazza? Si, di me mugheri Eva staju parrannu. 'nda nostra cittadina, NOME CITTÀ , ci sunu le elezioni politiche. Non sacciu ne comu fu, ne cu fu, fattu 'sta ca arrivavu quantu 'na simana arrieri tutta bella cuntenta e mi dissi: Adamu, io haio diciso di impegnarmi 'ndel pubblico esercizio del socialico. Mi candidu alle sollevazioni. E havi di tannu ca finivu a paci intra a me casa. Sa fa tuttu u jornu a sciviri e leggiri discussi. Ma dicu ju su astentu sapi nemtiri a firma, comu si scrivi 'sti discussi? E infatti la dovete sentuire...

EVA: *(da fuori scena)* cittadini...

ADAMO: *(al pubblico)* a stati sintennu? Ju su continua d'accussì di notti e notti mi ni scappu in Turkzechistn.

EVA: *(entrando e leggendo un discorso scritto su dei fogli che tiene in mano)* concittadinanza...della città e della provincializzazione, concittadinanza della regione riunita...e provincia, *(fra se)* ma si esagertamu...*(riprende il discorso)* concittadini nazionali...

ADAMO: c'o filtru e senza!

EVA: concittadinanza della comunione...europeistica

ADAMO: amen.

EVA: *(con slancio ed impeto)* concittadini delle nazioni riunite, oscultate, oscultate.

ADAMO: ascultu cchi?

EVA: è latinu, voili diri ascurari dittu chiù accuturatu.

ADAMO: certu cu 39 e menzu di frevi.

EVA: voialtri sicuramenti, vi state attomantando, del perché una femmina, bedda...

ADAMO: (*accompagna con la mimica e con dire ironico*) bedda? Si accussì laria ca su caschi supra a motti fai scupa.

EVA: istruilizzata e con le scole auti...

ADAMO: ma su non arrivasti mancu a tirminari a terza elementari.

EVA: (*ad Adamo*) e chi voi mettiri a difficultà da scola de me tempi cu chidda di ora?

ADAMO: e poi tutti 'sti scoli iauti quali fussunu? Chi è già accumulasti a sparari fissari

EVA: ma pirchè tu scurdasti ca a me classi era o quartu pianu?

ADAMO: a su è pi chistu ju allura sugnu 'n profissuri, a me scola era in muntagna.

EVA: mi dissi u me segretariu ca nuavuttri politici non dicemu buggie.

ADAMO: a non ni dicitu? E allura chi ca stai dicennu chi sunu?

EVA: nuvauttri...(*pausa*) economizziamo la realtà.

ADAMO: ca fussi nauttru modu pi diri ca sparati minchiati a raffica.

EVA: basta non mi fari perdi u filu do discursu, mutu.

ADAMO: ma quali filu e filu! Tu pirdisti a testa.

EVE: (*riprende il discorso*) a tutti quanti voialtri...mi rivolgo, rivolgendomi co il mio discorso, rivolto. Onesti cittadini, servi della plebbe, ricchi, poveri...

ADAMO: Dic Dic, cugini di campagna e Pooh.

EVA: voi altri mi dovete votare perché come a me altri canditi politici non ne trovate.

ADAMO: pi chistu è, hai raggiuni.

EVA: io ci ho della ideologgizzazioni nella mia testa, che sono rivolutive. Io voglio calari a binziana a cinquanta centesimi ogni 3 litri...

ADAMO: chista vecchia è.

EVA: prometto a tutti voi ed aai vostri parenti vicini e lontani, posti di lavoro a sbizzari, pensioni di almenu 1850 euri...

ADAMO: amori miu ca mi fai mangiarti u ficutu, mi pari a mia ca stai...economizzannu a virità tannicchedda troppu assai.

EVA: piu' rassicirazionui nelle citta'; casi popolari ausi ca chiovi. Con piscina, vasca intra a messaggiu, giardinu, e cu tuttu 'u cani in omaggiu. Ma soratutto cari elettivi miei, duci n'do funnu , vi voglio persuadere che vi garantisco (*pausa*) saluti...

ADAMO: e baci...

EVA: e baci...*(Ad Adamo)* ma chi mi fai diri? Prometto a voi e alle vostre famiglie, salute. Votatemi e vi rassicuro ca sarete immummificati, vi aggiuro, *(cambia tono, quasi fra se)* bestia a cui ci cridi ca non pighiati chiu' mancu na tinta influenza. E per finire...un saluto a tutti quelli che mi conoscono.

ADAMO: chista e' troppu rossa, anzi pi parrai comu parrati *(con ironia)* voialtri politici, e' troppu economizzata. Pozzu capiri ca prumittiti travaghiu, casi popolari cu piscini e gebbi e tanti auttri fissari, ma a saluti! A saluti dicu ju, putiti mai promettiri a saluti? E cu siti, maghi, santi!

EVA: senti ju comu ci la damu sta saluti non 'u sacciu. A mia 'u segretariu mi dissi: Eva, prepara un discursu e mentici intra zoccu voi. Chiu' esarigiri e meglio e'. prometti a luna i stelli, casi e chiesi, appoi a ci pensu ju.

ADAMO: e comu ci pensa?

EVA: mi dissi ca iddu fara' tutto quanto e' nelle sue possibilita' p'accuntintari i so elevatori. Perche' ha sapiri caro maritino mio ca a politica alla fine e' un baratto.

ADAMO: ah, un baratto? E chistu cu tu dissi u segretariu.

EVA: si propriu iddu.

ADAMO: e in cosa consisterebbe 'stu barattu?

EVA: facili. I cristiani ni dununu i voti e nuavuttri ci damu zoccu ci avevumu prumittutu. Ora siccome ceti voti i cosi ca n'addumannunu sunu irraggiungibili, nuavuttri intanto ci dicemu di si, aoppoi 'na vota ca acchianamu, su u favuri ci 'u putemu turnari pi comu 'u voluni iddi, ci 'u turnamu, altrimenti...

ADAMO: altrimenti?

EVA: altrimenti siccome u barattu ci deve essere u stissu, ni sdebitamu in natura.

ADAMO: comu in natura? Ma chi stai dicennu Eva?

EVA: nenti di scandalosistica. Su a casa, per esempiu, ci la putemu dari ci la damu, annunca, ni sdebitamu in nautra, ovvero a i nostri elettori ci damu *(pausa)* fungi!

ADAMO: bravi, bravi, chistu si ca e' pinsari o prissimu! E cui ti dissi 'u segretariu tutti 'sti cosi?

EVA: certo il grande segretario del partito riunito.

ADAMO: e 'stu grandi segretario quannu 'u fa 'n comizio ca 'u vulissi vidimi e sentiri.

EVA: p'accomora non ni po' fari pirchi' appi un piccolo cambiamento di programma *(si porta una mano aperta sul viso a mimare che il segretario e' stato arrestato)*. Ha deciso di fare un soggiorno di prova in un carcere, pi tucari con mano dda realta'.

ADAMO: giustu giustu. Non e' ca 'stu soggiornu addiventa 'na stanza di lettu, no sensu ca si curca s'addummisci e non nesci chiu'? comunque a mia 'stu fattu ca voi fari a politicanti non mi convinci e non mi piaci. Ma tantu a me parola 'nda 'sta casa n'ha cuntatu mai percio'...

EVA: eccu bravu, allura mutu e ascuta ' restu do discursu.

Finale 1

ADAMO: hai vistu? Ancora n'ha acchianatu e gia' cumanna. Ma senti accussi', almenu pi conoscenza, mu voi diri comu si chiama 'stu partitu cu cui ti stai presentannu?

EVA: parranno cu tia n'o sacciu e non m'intaressa. Tantu destra o sinistra, centru o di latu, tutti 'na cosa sunu, tutti...economizzatori di verita'. (*Esce riprendendo a leggere il discorso*) perche' noi promettiamo...cittadinanza...

Finale 2

ADAMO: hai vistu ancora n'ha acchianatu e gia' cumanna. Ma senti accussi', almenu pi conoscenza, mu voi diri comu si chiama 'stu partitu cu cui ti stai presentannu?

EVA: si chiama f.f.c.a.p.a.t!

ADAMO: e chi voli diri?

EVA: partito del: futti futti ca appoi perdona a tutti!

Finale 3

ADAMO: hai vistu ancora n'ha acchianatu e gia' cumanna. Ma senti accussi', almu pi conoscenza, mu voi diri comu si chiama 'stu partitu cu cui ti stai presentannu?

EVA: parranno cu tia n'o sacciu e non m'intaressa. Tantu destra o sinistra, centru o di latu, tutti 'na cosa sunu, tutti...economizzatori di verita', tutti un programma c'hannu.

ADAMO: e quali fussi?

EVA:...futtiri o prossimu!

Finale 4

ADAMO: hai vistu ancora n'ha acchianatu e gia' cumanna. Ci trasisti troppu bonu intra a parti. Evviva l'Italia.

FINE

Nota:

1. Eva indossa una fascia da sindaco, infarcita di orpelli, come medaglie, foto tratte da riviste gossip, eccetera.